



Broj:
Maglaj,

PRIJEDLOG

Na osnovu člana 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), člana 18. Statuta Općine Maglaj – prečišćen tekst („Službene novine Općine Maglaj“, br. 08/07, 03/08 i 06/08) i člana 13. Odluke o postupcima, standardima i kriterijima imenovanja na pozicije u reguliranim organima općine Maglaj („Službene novine Općine Maglaj“, broj: 02/17), na prijedlog Općinskog načelnika, Općinsko vijeće Maglaj na __ redovnoj sjednici, održanoj _____ godine, donosi

RJEŠENJE

o imenovanju Komisije za izbor na upražnjene pozicije u reguliranim organima Općine Maglaj

Član 1.

Imenuje se Komisija za izbor na upražnjene pozicije u reguliranim organima Općine Maglaj u sastavu:

1. Azra Čakrama, predsjednik
2. Ermina Hajdić, član
3. Ferhat Bradarić, član
4. Nasiha Bočić, član
5. Adi Spahić, član

Član 2.

Upražnjene pozicije u reguliranim organima općine Maglaj za koje je potrebno provesti proceduru je Nadzorni odbor „Komunalno javno društvo“ doo Magla, Nadzorni odbor JP „Veterinarska stanica“ Maglaj, Upravni odbor JU „Narodna apoteka“ Maglaj, Upravni odbor JU „Narodna biblioteka“ Maglaj, Upravni odbor JU Dom kulture „Edhem Mulabdić“ Maglaj i Upravni odbor JU „Centar za socijalni rad“ Maglaj.

Za izbor, odnosno imenovanje na pozicije u reguliranom organu, gdje je po Zakonu potreban drugačiji sastav Komisije za izbor i imenovanje, Načelnik općine predlaže Općinskom vijeću sastav Komisije za izbor, odnosno imenovanje na pozicije u konkretni regulirani organ, a prema odredbama zakona i drugih propisa koji regulišu tu oblast.

Član 3.

Zadatak Komisije iz člana 1. ovog Rješenja je da shodno principima Zakona o ministarskim, vladinim i drugim imenovanjima Federacije Bosne i Hercegovine i Odlukom o postupcima, standardima i kriterijima imenovanja na pozicije u reguliranim organima općine Maglaj:

- pripremi tekst oglasa za upražnjene pozicije;

- objavi oglas u „Službenim novinama Federacije BiH“ i jednom dnevnom listu velikog tiraža s ciljem da bude dostupan najširoj javnosti i internet stranici Općine Maglaj;
- pregleda prijave pristigle u roku utvrđenom oglasu;
- sastavi listu s uži izborom uspješnih kandidata koji ispunjavaju kriterije za izbor;
- obavi intervju sa kandidatima koji su ušli u uži izbor;
- zatraži od kandidata koji su ušli u uži izbor da popune obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja;
- od kandidata koji su ušli u uži izbor zatraži da daju podatke o odgovarajućem broju ranijih neposrednih rukovodilaca od kojih se mogu dobiti preporuke i informacije o kandidatima;
- predloži odgovornom javnom službeniku, Općinskom vijeću Maglaj, pismenom preporukom rang-listu sa najboljim kandidatima na dalje razmatranje.

Član 4.

Ovo Rješenje stupa na snagu danom donošenja i objavit će se u „Službenim novinama Općine Maglaj“.

DOSTAVLJENO:

1. Imenovanim
2. Arhiva

PREDSJEDAVAJUĆA

Aida Bašić

Obrazloženje

Članom 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13) propisano je da odgovorni javni službenik imenuje članove komisije za izbor. Komisija za izbor se sastoji od pet članova. Prilikom imenovanja komisije za izbor vodi se računa o zakonu ili statutu na osnovu kojeg je osnovan organ. Ako je u tom zakonu ili statutu o osnivanju organa propisan posebni postupak izbora ili sastava komisije za izbor na pozicije u reguliranom organu tada se postupa po odredbama tog zakona ili statuta.

Ako je organ u kojem se vrši imenovanje u cjelokupnom vlasništvu nadležnog organa i nadležni organ ima potpuno ovlaštenje za imenovanje u reguliranom organu tada odgovorni javni službenik samostalno imenuje komisiju za izbor iz stava 2. ovog člana, te se komisija sastoji od uposlenika tog organa.

Ako je u zakonu ili statutu propisano da i drugi organ ima ovlaštenje za imenovanje svojih predstavnika u regulirani organ, tada odgovorni javni službenik tog organa imenuje svoju komisiju za izbor za one predstavnike za koje je nadležan i provodi postupak u skladu sa ovim zakonom.

Članom 18. Statuta Općine Maglaj – prečišćen tekst („Službene novine Općine Maglaj“, br. 08/07, 03/08 i 06/08) propisano je da je Općinsko vijeće nadležno da donosi odluke, rješenja, propise i opće akte.

Članom 13. Odluke o postupcima, standardima i kriterijima imenovanja na pozicije u reguliranim organima općine Maglaj („Službene novine Općine Maglaj“, broj: 02/17) Komisiju za izbor, za svaki pojedinačni postupak izbora, imenuje Općinsko vijeće Maglaj na prijedlog Općinskog načelnika i ista je zadužena za pripremu teksta oglasa za prijem, pregledanje, obavljanje intervjua i ocjenu prijave.

Shodno navedenom, Općinski načelnik kao odgovorni javni službenik predlaže Općinskom vijeću Maglaj donošenje ovog Rješenja.


Obrađivač

Emina Hasanić, dipl.pravnik

Stručni savjetnik za poslove Općinskog vijeća i Općinskog načelnika



PREDLAGAČ
OPĆINSKI NAČELNIK


Maid Suljaković

